

BAPTISTAE
AYMI PARMENSIS
IVRISCONSULTI
DE ALLUVIONVM
IVRE VNIVERSO.

De fluviaticis scilicet incrementis co-
gnoscendis, acquirendis, amit-
tendis, & facillimè
diuidendis.

LIBRI TRES.

Duplicato



BONONIAE,
Apud Ioannem Rossium. MDLXXX.

Curiae Episc. & S. Inquisit. concessu.

BIBL. SOCIETATIS SALM. EX DONO REGVM



ILLVSTRISSIMO
AC EXCELLENTISSIMO
OCTAVIO FARNESIO

PARMENSIVM ET PLACENTINORVM

DVCI H. E. T. C.



BAPTISTA AYMVS.



AEPE illud M. Catonis animo mecum
repetens Dux Ducum optime, quod in
principio scripsit Originum suarum,
Studioforum hominum non minus otij,
quam negotij rationem extare oportere:
vt primum in hanc nobilissimam Iurisci-
uilibus militiam nomen dedi, omnes neruos intendi meos,
vt nostri tyrociniij prima qualiacunque rudimenta exta-
rent; quibus apud te praecipue iustissime Princeps, qui in
nos iure, ac merito vicariam Dei auctoritatem geris, cui
& otij & negotij reddendam esse quandoque rationem om-
nibus exploratum est; vtriusque prima saltem ratiocinia
constarent. atque hoc praeterea modo vitae fortasse ratio-
nem iuxta Areopagiticum illud institutum a me repetenti
tibi me non inutilem prorsus in tua Republica esse ciuem
ostenderem. Quae rudimenta licet in hoc latissimo Iurif-
ciuilis campo exigua futura sint: edere tamen, & ea in tuam
venire notionem Princeps sapientissime, minimè sum veri-



BAPTISTAE AYMI
PARMENSIS
IURISCONSULTI.

DE ALLUVIONVM IVRE VNIVERSO,

LIBER PRIMVS.



ARGVMENTVM.

¶ Alluio vnde deducitur.

SVMMAE.

- 1. Alluio ab alluo deducitur.
- 2. Alluere quandoque in iure accipitur pro allabendo addere.
- 3. Alluio accessionem, & decessionem significat.


CAPVT PRIMVM.



MNE ius ferè aut in verborum interpretatio-
ne positum est, aut æqui, prauiq; discrimine.
vt nobis (quod ad ipsa verba pertinet) inter ca-
tera apertissimè testantur tot leges in titulum
de Verborum significatione congestæ; tot
Vlpiani, & aliorum commentaria ad quàm-
plurima prætorum edicta, & interdicia; & vni-
uersum denique Iuris civilis corpus. vt interim Quintiliani ita distin-
guentis auctoritatem in Institutionum suarum lib. 12. prætermi-
tam. Itcirco de Fluuiaticis incrementis Alluione, Alueo, & Insula
tractationem aggredièti mihi, in prius & vnde cuiusque eorum no-
men descendat, dicere operæpretium est; & de multiplici ipsorum ap-
pellatione, & significatu disserere. Sic etenim & Vlpianum ipsum,
cæterosq; eius ætatis I. C. factitasse, sæpè legimus, & præsertim in

Problema 7. Propos. 12.
 Super datam rectam lineam infinitam à dato puncto, quod in ea non est, perpendicularem rectam lineam deducere.


Sit data recta linea infinita, sitq; illa A. B. datū verò punctum, quod in ea non est, sit C. oportet ab hoc puncto super illam lineam perpendicularem ducere. Facto centro in puncto C. describatur circulus G. E. F. secans lineam A. B. in punctis G. & E. secetur autem linea G. E. (per Propos. 10.) in puncto D. tum ducta linea C. D. super datam lineam rectam infinitam perpendiculariter cadit. quod fecisse oportuit.




Problema 10. Propos. 31.


A dato puncto datæ rectæ lineæ parallelam rectam lineam ducere.

Sit datū punctum A. data verò linea B. C. oportet ab hoc puncto ei lineæ aliam rectam lineam parallelam ducere. Suscipiatur in ipsa B. C. contingens punctum D. & connectatur punctum utrumque per lineam A. D. & super punctum A. constituatur angulus E. A. D. qui sit æqualis C. D. A. angulo sibi coalterno. tum ducta linea A. E. à puncto extra dato erit parallela B. C. datæ rectæ lineæ. quod fecisse oportuit.



Angulus porro in extremo lineæ A. D. æqualis angulo B. D. A. ita facillimè constituetur. Nam facto centro in puncto D. abscindantur ex lineis A. D. & B. D. lineæ D. F. & D. G. inter se æquales. Rursum eadem circini diductione facto centro in puncto A. abscindatur ex linea A. D. linea A. H. æqualis lineæ D. F. & simul describatur circulus, seu circuli portio H. I. Tum intervallo lineæ F. G.posito circini pede immobili in puncto H. describatur





to. quod & in sequentibus faciam. Vitium proinde in figura Bartoli ex eo maxime deprehenditur, quando ex insula A. contra regionem agrorum Titij & Caij nata, nihil ad Titium pertinere potest, stante isto linearum ductu in directum ad frontem obliquam. Iustior est igitur nostra divisio.

De Figura octava.

Multo pluribus laborat erroribus octava figura. tres autem precipue sunt redarguendi. In primis nulla ratione nec lege, quinimo contra l. inter eos. de Acquir. rer. dom. fit in ea divisio non vnica recta linea in directum ducta, sed duabus ab eodem agri termino productis, quae sunt lineae A. B, & B. C. Item Latitudo praediorum non est ad vnicam rectam lineam redacta. Tertium vitium est contra Geometricam disciplinam: nam lineam D E. ducendam iubet: cur autem, aut qua auctoritate, quoue artificio id fieri debeat, minime nos docet: quoddam tantummodo axioma promittitur ex l. insula. de Acquir. rer. dom. scilicet, quod iuris est in eo, quod praedio primo adijcitur, idem est in eo, quod ipsi addito adijcitur: vt eo defendat hanc suam bipartitam, & duabus vicibus factam diuisionem.

Si de t acquirendo eo, quod postea additum fuerit incremento priori, tractamus, vt in his terminis respondit Proculus in ea l. insula. ibi quero, quod accreuerit, utrum meum sit: & ego quoque Bartolo assentior; vt ea ratione & eo iure, quo adiectum incrementum praedio pri-